

სსიპ - ბათუმის ხელოვნების სასწავლო უნივერსიტეტი

საქართველოს ბიზნესის აკადემია SBA

## ურთიერთთანამშრომლობის მემორანდუმი

პრეამბულა

ქ. ბათუმი

26 აპრილი, 2017 წელი

უმაღლესი განათლების სფეროში მომდინარე რეფორმების ძირითადი პრინციპების, სწავლებისა და შემოქმედების ინტეგრირების, ერთობლივი საგანმანათლებლო და სხვა პროექტების განხორციელების მიზნით სსიპ - ბათუმის ხელოვნების სასწავლო უნივერსიტეტი და საქართველოს ბიზნესის აკადემია SBA თანხმდებიან თანამშრომლობაზე.

ურთიერთთანამშრომლობა ხელს შეუწყობს:

- აკადემიური და პროფესიული განათლებისათვის აუცილებელი მატერიალურ-ტექნიკური რესურსების ეფექტურად გამოყენებას;
- თეორიული მიმართულების სპეციალისტთა მიერ მასტერკლასების, საჯარო ლექციების და სხვა სასწავლო-შემოქმედებითი მუშაობის ჩატარებას;
- ცალკეულ მიმართულების საგანმანათლებლო პროგრამების მომზადებაში თანამშრომლობასა და კონსულტაციების გაწევას;
- ერთობლივი საგანმანათლებლო პროექტების შემუშავებასა და განხორციელებას.

## მუხლი 1

1.1. მხარეები აწარმოებენ შეთანხმებულ პოლიტიკას ერთობლივი საგანმანათლებლო პროექტების მომზადების, განხორციელებისა და აუცილებელი რესურსების მოზიდვის მიზნით.

1.2. თითოეული მხარის მატერიალურ-ტექნიკურ რესურს გამოიყენებენ უნივერსიტეტის პროფესორები, პედაგოგები, სასწავლო-შემოქმედებით პროცესში ჩართული სტუდენტები, საქართველოს ბიზნესის აკადემია SBA-ს თანამშრომლები და სპეციალისტები.

1.3. მხარეები ურთიერთშეთანხმებით მონაწილეობას მიიღებენ საგანმანათლებლო პროგრამების შემუშავების პროცესში (ინფორმაციის გაცვლა, მეთოდური დახმარება და სხვა.) აკადემიური პროგრამების პრაქტიკასთან დაახლოებისა და კომპეტენციების ჩამოყალიბების მიზნით.

1.4. განახორციელებენ ერთობლივ შემოქმედებით პროექტებს, კონკურსებსა და ფესტივალებს, სანახაობით წარმოდგენებს.

## მუხლი 2

2.1. წინამდებარე შეთანხმებაში თითოეულ მხარეს შეუძლია ცვლილებებისა და დამატებების შეთავაზება ურთიერთშეთანხმების საფუძველზე.

2.2. მხარეთა შორის ურთიერთობათა სპეციფიკა, რომელიც არაა განსაზღვრული მემორანდუმში, რეგულირდება ორმხრივი შეთანხმებით.


2.3. მხარეები აძლევენ ერთმანეთს გარანტიას, რომ ისინი უპირობოდ, სრულად და კეთილსინდისიერად შეასრულებენ წინამდებარე მემორანდუმით გათვალისწინებულ ყველა პირობას.

## მუხლი 3


3.1. წინამდებარე მემორანდუმის შესრულებასთან დაკავშირებული სადავო საკითხები გადაიჭრება კონსულტაციების და მოლაპარაკების გზით.

3.2. ეს მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ რაიმე სხვა გადაწყვეტილების მიღებამდე.

3.3. ურთიერთთანამშრომლობის მემორანდუმი შედგენილია თანაბარი იურიდიული ძალის მქონე ორ ეგზემპლარად, რომელთა თითო პირი გადაეცემა მხარეებს.

სსიპ - ბათუმის ხელოვნების  
სასწავლო უნივერსიტეტის  
რექტორი, პროფესორი  
 ე. მესხია

საქართველო, ბათუმი,  
ლუკა ასათიანის ქ. N 37  
ტ. +995(422) 27-86-67; +995(422) 27-98-95;  
+995(422) 27-93-53  
ელ. ფოსტა: [info@batu.edu.ge](mailto:info@batu.edu.ge)  
ვებ.გვ. [www.batu.edu.ge](http://www.batu.edu.ge)

საქართველოს ბიზნესის  
აკადემია SBA-ს  
დირექტორი  
 ი. ერაბე

საქართველო, თბილისი  
რუსთავეის გზატკეცილი ქ. N 18-22  
ტელ: 599975772  
406037550  
ელ. ფოსტა: [info@sba.ge](mailto:info@sba.ge)  
ვებ.გვ. [www.sba.edu.ge](http://www.sba.edu.ge)